

Dwngzyen Hwnj Ndei “Haihag Dangz Goq Daih’ it” Couqmaenh Gij Eiqsik Caezcaemh Cunghvaz Minzcuz

Aen haggeiz seizcin bi 2024 haihag doxdaeuj, Dwngzyen giethab “aen suenqveh gak minzcuz nyezrauh doxgyau”, cujciz gak aen cunghsiujyoz (youwzyenz) youq gwnz goqdangz, laj guekgeiz gangjavah, hungzlingjinh gvangjbocan caeuq hai banhoih daengj laebdaeb haiguh aen hozdung youq “haihag dangz goq daih’ it” couqmaenh gij eiqsik caezcaemh Cunghvaz Minzcuz. Neix hawj gij eiqsik caezcaemh Cunghvaz Minzcuz haeuj uk haeuj sim, dazyinx gak minzcuz lwghag daengx yienh laebmaenh aen leixniemh ndeirwix caezcaemh, yungznyaenq doxcaemh, dailix caezcaemh, mingh– yinh doxcaemh. Daengz seizneix, daengx yienh miz 190 lai aen cunghsiujyoz (youwzyenz) guh hozdung “haihag dangz goq daih’ it” couqmaenh gij eiqsik caezcaemh Cunghvaz Minzcuz, ca mbouj lai 16 fanh boux lauxsae lwghag gak minzcuz camgya hozdung. (Vangz Genhhangz/黄坚航)



Lozcwngz: Singfwen Goksag Eu Minzcuz Doxgiet

3 nyied 2 hauh, Hozciz Si Lozcwngz Mulajcuz Swciyen youq aen gvangjczangz byaijndoi Cwngzlungzhuz Gunghyenz guh hozdung eu fwen doxcomz doxgyau gap baengzyoux. Bak lai boux canghfwen Mulajcuz, Bouxcuengh, Myauzcuz, Yauzcuz, Duncuz daengj laeng aen yienh neix caeuq Liujcouh Si Yungzsuij Myauzcuz Swciyen, Yungzanh Yen, Sanhgyangh Duncuz Swciyen daengj dieg, eu fwen ndeidingq rwenzraeuh, haenhdanq Gungcanjdangj, guekcoj, eu cingzngaih ndei, eu vwnzmingz daengj, coicaenh vwnzva minzcuz doxgyau doxbaedauq doxyungz, coicaenh gak minzcuz doxgiet. (Liu Gvanghfuz/廖光福)

◀ 3 nyied 2 hauh, gyoengq canghfwen doxcomz eu fwen sim angqyangz.

Dasinh Yen Fuzlungz Yangh Caenhrenz Guh Ndei Hong Lwnhgangj Fabceih Mboengq “Song Hoih”

Mwh “Song Hoih” daengx guek yaek ciuhai, Cungzcoj Si Dasinh Yen Fuzlungz Yangh dangiveij, cwngfuj cujciz baicuzsoj, swhfazsoj dieg de guh hozdung “daihciepfangj”, gaenxmaenx son gyauq lwnhgangj fapceih, henhoh gwnzbiengz huzndei onjdingh. Bouxguh Hong fat swhliu, cuengq sibinz bae lwnhgangj gij cihsiz faplwd gvendaengz fuengzre densin gwnzmuengx dwkgoemj, gimq doeg, fanjdioiq sezgyau daengj. Yienhciengz lij miz nda daiz hoizdap vwnzdiz faplwd, bang vunzlai gaijgez vwndiz. Baez hozdung “daihciepfangj” neix mboujdan hawj vunzlai dieg de engq rox aeu ciuq fap guhsaeh, siengj vwndiz, lij ok rengz henhoh gwnzbiengz onjdingh huzndei. (Yangz Yaujcing/杨晓静)



▲Bouxguh Hong fat swhliu hawj vunzlai.



▲ 3 nyied 2 hauh, vunzlai youq ndaw dieggiek ndaem byaek genj lwgmanh lai saek.

Yungzanh Lwgmanh Baenz Lai, Bangcoengh Vunzlai Baenzmiz

3 nyied 2 hauh, youq Aen Dieggiek Yienhdaih Nunzyez Ndaem Byaek laeng Liujcouh Si Yungzanh Yen Swdingj Cin Mbanjyuznanz, vunzlai gizdieg nyaengq mbaet lwgmanh hoengz. Gyawj geij bi neix, Yungzanh Yen Swdingj Cin aeu vunqsik “gungh– swh + hozcozse + ranzguhnaez” hwnghat aen canjnieb ndaem byaek miz daegsaek de, dajcauh ok gij dieggiek “lamz byaek” ndei haenx, coicaenh vunzlai dieg de demsou baenzmiz. (Yangz Man/杨曼)